

„ŽALI ŽUOLELĖ“

NAUJAUSĖS ŽEMAITIŠKAS PRUOZAS ĖR POEZĖJĖS
KNĖNGAS AUTUORĖ – MUOKĪTUOJĖ DŽERVINĖ
TEKLĖ IŠ PUNIUS



Džervienė Teklė. Portėgrapėjė iš
Džervienės Teklės archĖva

Ne, ne, ne! Nesokliđuom. Iš tuos patiuos Puniuos, katra Alĭtaus rajuo-
nė, Nemuna pakrontie. Kāp tēn autuo-
rė pateka ėr kas anou atvedė i litera-
tūra, patiuos rašĭtuojės prisėstatĭmė:

„Eso gėmusi 1932 metās Žemai-
tėjuo, Kartenas valsčiaus Asteikiu
suoduo. Mama bova sioviejė, vuo tie-
valis dėrba pri gelžkelė. Kėik patoupė
tievā nusėpėrka nadėdėli žemės
sklĭpieli Plungės rajuona Alksnienu
kaimė. Će, Žemaitėjuo, kara metās
pabėngiau pėnkis pradžiuos
muokĭklas skĭrius. Pu kara ejau i Plun-
gės gėmnazėjė. Be monės, šeimuo
auga dar pėnkė vākā. Dieltuo tievams
reikiejė nogara ėr dėina, ėr nakti lėnk-
tė, ka sūnā ėr doktėris galtetom
muokĭtėis. 1947 metās bova sojĭmts
tievielis. Nuteisė anon dešĭmtėi metu
lageriu. Ėš Vorkutas ons grĭža 1953
metās. Ka ėr par dėdėliausius var-

gus, nepriteklius, bet muokslu nametiau. Pabėngusi Plungės vėdorėnė muokĭkla,
metus laika išdėrba Plungės rajuona laikraštė redakcėjuo, vuo paskiau istuo-
jau i Vėlniaus pedaguogėni instituta. Tēn sosėpažėnau ėr so sava būsėmoujo
viro – dzūko ėš Puniuos. Ėr sosėkluoštė gĭvenėms tēp, ka puo muokslu bėngė-
ma abodo parvažiavuov i Punė. Isėdərbėnau miestelė vėdurinie muokĭkluo.
Tēn dėrba lĭg pat pėncėjės. Puniuo gĭveno lĭg šiuol.

Eilieraštius rašau nu vaikĭstės. Žemaitėškā eilioutė pradiejau aple 1992 me-
tus. Pradiuo sava kūrĭba daugiausė spausdėnau Alĭtaus rajuona laikraštie, res-
publėkėniūs švietėma leidėniūs, žornalė „Žemaitiu žemė“.

Eso ontruojė žemaičiu poezėjės kuonkursu laurėtė (1996 m.). Tās patės
metās pasėruodė ėr mona puoezėjės rinktėnė „Liepa už slenksčio“. 1999 m.
bova išspausdinta ontruoji poezėjės rinktėnė – „Nakvynė senuose namuose“,
1999 m. – novelė „Akmou so velnė piedo“, 2005 m. – dokumentėnė apĭbraiža
„Komentaras gĭminės medžiui“, 2007 m. – apĭsakas ėr apsakĭmu knĖnga „Buvo
ir tebėra“.

KnĖnguo „Žali žuolelė“ ĭr spausdėnamas gražiiausės žemaitiu kalbo parašĭtas
T. Džervienės novelės, apsakĭmā, eilieraštė. Vėskas tas ĭr sokorta par pastarū-
sius dvėdėšĭmti metu. KnĖngas pagrĭnda sodara kūrėnė „Akmou so velnė pie-
do“, „Salontūm dvarė“, „Žali žuolelė“, „Juganas muokslā“, „Smėltėnis“, „Ke-
liuonė traukėnio“, „Sluoga“, „Gĭvs i žemė najĭlĭsi“. Eilieraštĭu knĖnguo ĭr aple
dvėdėšĭmtės.



Džervienės Teklės knĖngas „Žali žuolelė“ viršielis.
Dailininkė Ribakuovienė Deimantė



„Žaloms“. Mukienės Danutė portėgrapėjė